

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KEEMPAT,  
PARLIMEN KEEMPAT BELAS**

**PERTANYAAN : BUKAN LISAN**

**DARIPADA : TUAN LIM LIP ENG [ KEPONG ]**

**SOALAN**

**TUAN LIM LIP ENG [ KEPONG ]** minta **MENTERI WILAYAH PERSEKUTUAN** menyatakan cadangan perancangan landskap di ibu kota Kuala Lumpur dan kos terbabit.

**JAWAPAN**

**Tuan Yang Di Pertua,**

Pada tahun 2022, Pihak DBKL telah merancang beberapa projek landskap di sekitar Ibu Kota Kuala Lumpur untuk dilaksanakan yang mana ianya akan melibatkan pembangunan 'pocket park', pembangunan kawasan lapang serta kawasan hijau dan penanaman pokok serta penghijauan dengan anggaran kos RM 14 Juta.

Antara kawasan-kawasan bagi pembangunan 'pocket park' ialah seperti di Ruang Terbuka Hotel Imperial Kuala Lumpur, Jalan Gading (Bukit Bintang) dan Pembinaan Pilot Projek Pocket Park Low Carbon (Jalan Esfahan). Bagi Pembangunan kawasan lapang untuk projek landskap pula ialah di kawasan lapang Jalan Wangsa Melawati 4 dan di atas Lot 29860, Jalan Wangsa Delima 8 serta di atas Lot 28047, Jalan 5/27 A, Wangsa Maju. Selain itu, terdapat juga perancangan pembangunan kawasan hijau iaitu Projek Cadangan Pembangunan Menaiktaraf Landskap Kawasan Hijau di atas Lot 480919, Jalan 1/112E Kuala Lumpur serta pembangunan kawasan-kawasan hijau sekitar Kuala Lumpur yang telah direzabkan sebagai kawasan lapang. Bagi projek Penanaman dan Penggantian Pokok Teduhan dan Pengindahan Landskap pula, ianya akan melibatkan beberapa kawasan. Sasaran penanaman pokok pada tahun 2022 ialah sebanyak 100,000 batang pokok (termasuk pokok renek).